



Broj: 05-50-1-1759-2/23  
Sarajevo, 24. 8. 2023. godine

PARLAMENTARNA SKUPŠTINA BiH

- Zastupnički dom -

Trg Bosne i Hercegovine 1  
SARAJEVO

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 25-08-2023			
Organizaciona jedinica	Klasifikaciona oznaka	Redni broj	Broj priloga
0.1-	50-1-	1433/	23

PREDMET: Odgovor na zastupničko pitanje – *dostavlja se*

Veza: Vaš akt broj 01-50-1-1433/23 od 3. 7. 2023. godine

Poštovani,

Vijeće ministara Bosne i Hercegovine, na 20. sjednici održanoj 23. 8. 2023. godine, na prijedlog Ministarstva za ljudska prava i izbjeglice BiH utvrdilo je Odgovor na zastupničko pitanje koje je postavio Šemsudin Mehmedović, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

Privitak: - Kao u dopisu -



DOSTAVITI:

- naslovu
- a/a



Bosnia and Herzegovina  
COUNCIL OF MINISTERS

Broj: 05-50-1-1759-1/23

Sarajevo, 23. 8. 2023. godine

**Šemsudin Mehmedović**, zastupnik u Zastupničkom domu Parlamentarne skupštine Bosne i Hercegovine, postavio je 3. 7. 2023. sljedeće zastupničko pitanje:

„1. Šta ste učinili i šta namjeravate učiniti da zaštitite ljudsko dostojanstvo, ličnu sigurnost i imovinu uglednog građanina i povratnika u Mrkonjić-Grad gospodina Ibrahima Halilovića?“

Na postavljeno pitanje, Vijeće ministara Bosne i Hercegovine je na 20. sjednici održanoj 23. 8. 2023. godine, utvrdilo sljedeći

### ODGOVOR

1. Revidirana strategija za provedbu Aneksa VII Dejtonskog mirovnog sporazuma, koju je 2010. godine usvojila Parlamentarna skupština Bosne i Hercegovine, između ostalog sadrži i podatke o realizaciji preporuka i mjera za unaprjeđenje stanja iz oblasti sigurnosti i deminiranja identifikovanih područja povratka, iako je pitanje sigurnosti u nadležnosti Ministarstva sigurnosti BiH, Ministarstva civilnih poslova BiH, entiteta Republika Srpska, deset kantona u Federaciji BiH te Brčko Distrikta BiH.

Na inicijativu Ministarstva za ljudska prava i izbjeglice Bosne i Hercegovine iz 2020. godine, Visoko sudsko i tužilačko vijeće je u 2021. godini donijelo odluku o dopuni evidencije u sudskom/tužilačkom sustavu za automatsko upravljanje predmetima u smislu evidentiranja krivičnih djela počinjenih prema raseljenim osobama i povratnicima, a kojima je ugrožena sigurnost raseljenih osoba i povratnika. Na osnovu ove odluke, pravosudne institucije su u mogućnosti označavati krivične predmete koji se vode protiv osoba osumnjičenih/optuženih za krivična djela za koja postupajući nosilac pravosudne funkcije ocijeni da je njihovim izvršenjem ugrožena sigurnost raseljenih osoba ili povratnika.

Podaci VSTV-a, zaprimljeni nakon ove instrukcije govore da se vrlo mali broj prijave tretiraju kao ovakva krivična djela, što sugeriše da se počinioci kažnjavaju blaže, odnosno u prekršajnom postupku. Incidente na štetu raseljenih osoba i povratnika u BiH evidentira Misija OSCE-a u skladu sa svojim mandatom. Prema njihovim evidencijama, godišnje se zabilježi oko stotinu ovakvih incidenata, koji

se, prema mišljenju OSCE-a, ne tretiraju na adekvatan način od strane nadležnih institucija.

Za potrebe pripreme Izvještaja o realizaciji Revidirane strategije za provedbu Aneksa VII Dejtonskog mirovnog sporazuma za 2022. godinu, od Visokog i sudskog tužilačkog vijeća obaviješteni smo da u 2022. godini nije bilo evidentiranih predmeta pod nazivom "Sprječavanje povratka izbjeglica ili raseljenih osoba."

Potpuna sloboda kretanja, kao i osobna i imovinska sigurnost, spadaju među najvažnije predušlove za trajno rješenje problema izbjegličko-raseljeničkog pitanja u Bosni i Hercegovini.

S tim u vezi, prioritetan zadatak i odgovornost države, entiteta, kantona i lokalnih zajednica je da omoguće svim izbjeglicama, raseljenim osobama i povratnicima uživanje fizičke sigurnosti i pristup njihovim osnovnim građanskim i ljudskim pravima i slobodama bez bilo kakve diskriminacije ili rizika od povrede.

Ministarstvo za ljudska prava i izbjeglice Bosne i Hercegovine najoštrije osuđuje napade na sigurnost i imovinu povratnika, te je zatraženo od Ministarstva unutrašnjih poslova Republike Srpske, da se svim građanima u ovom entitetu, a posebno u mjestima povratka, obezbijedi siguran ambijent za život, te da se povećaju mjere sigurnosti.